



Publicaziuns dalla vischnaunca, jamna 1

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2011 – 2091

Adolf Schmed, Via Clavau 7, 7182 Cavardiras ed Andreas Jacomet, Lindenweg 24, 4614 Hägendorf; construcziun d'in parcadi, parcelas 2141, 2142 e 2140, Via Clavau, 7182 Cavardiras.

Quella lubientscha sa vegnir contestada enteifer 30 dis dapi la publicaziun el Fegl uffical dalla Surselva tier la Dertgira administrativa dil cantun Grischun.

Disentis/Mustér, ils 3-1-2011
Uffeci da baghegiar Disentis/Mustér

Concept da traffic per la Via Cons e la Via Sogn Gions *Publicaziun ufficala davart restricziuns da traffic*

Sin damonda dils vischins da Sogn Gions sco era a vesta dil plazzal da baghegiar dalla Casa da tgira Sursassiala intenda la suprastanza communal d'introducir per la Via Cons e la Via Sogn Gions naven dall'entschatta 2012 entochen ils 31 da december 2013 suandontas restricziuns da traffic:

Entrada scumandada .Einfahrt verboten. (sig. 2.02)
Direcziun unica .Einbahnstrasse. (sig. 4.08)
– Via Cons; il traffic vegn menaus en direcziun sidvest.
– Via Sogn Gions; il traffic vegn menaus en direcziun nordost.

Quellas restricziuns duein valer cun l'entschatta digl onn 2012 entochen la finiziun dallas lavurs da construcziun vid la Casa da tgira Sursassiala (prevedentamein fin 2013). Las mesiras previdas ein vegnidas sclaridas cun la polizia cantunala, che ha concediu ils 19 da december 2011 il consentiment a basa digl art. 7, al. 2 dalla lescha introductiva tier la lescha federala da traffic (EGzSVG).

Objecziuns e propostas en connex cun las mesiras da traffic previdas san vegnir inoltradas enteifer 30 dis dapi la publicaziun el Fegl uffical dalla Surselva a scret alla suprastanza communal, Caum postal 57, 7180 Disentis/Mustér.

Suenter haver examinau las objecziuns decida la suprastanza communal e publichescha siu conclus el fegl uffical cantunal cun la pusseivladad da contestar il conclus tier la Dertgira administrativa dil cantun Grischun.

Disentis/Mustér, ils 30-12-2011
Suprastanza communal

Cartas da viagiar dil di (Flexicard) – Adattaziun dil prezi

La Viafier federala ha danovamein augmentau il prezi dallas cartas da viagiar dil di. Ord quei motiv vegn naven digl 1. da schaner 2012 il prezi per cartas da viagiar dil di (Flexicard) adattaus da frs. 38.– sin **frs. 40.–/carta**.

La vendita dallas cartas ei vinavon restrenschilda sin personas domiciliadas en Surselva.

Nus engraziein per Vossa capientscha e giavischein a Vus in ventireivel niev onn 2012.
Administraziun communal



Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica:

clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas.

Ulteriuras informaziuns era davart la prevenziun anfleis Vus sin nossa pagina www.pumpiers-sursassiala.ch.

Engraziel per Vies sustegn!
Vos pumpiers Sursassiala

Pendicularas Mustér

Naven dils 9 tochen ils 27 da schaner 2012 envidan las Pendicularas Mustér 3000 tut las senioras e seniors dad ir gratuitamein cun la pendiculara a Caischavedra ed anavos.

*Bergbahnen Disentis 3000
Via Acletta 2
7180 Disentis,
tel: +41 (0)81 920 30 40
www.disentis3000.ch*

Center sursilvan d'agricultura

Referat: Natürlich bauen – mit Lehm, Stein, Holz

Donnerstagvormittag, 26. Januar 2012

Vor dem Referat des Baubiologen Martin Meiler von Flims kann um 11 Uhr das Wohnhaus der Familie Flepp-Degonda an der Via Alpsu 37 in Disentis/Mustér besichtigt werden. Anschliessend findet der Vortrag über natürliches Bauen im Center sursilvan d'agricultura statt (www.biologischbauen.ch). Leichtes Mittagessen wird auf Wunsch organisiert.

Anmeldung erforderlich bis 16.1.2012 unter Tel. 081 936 48 00 oder info@agricultura.ch. Weitere Informationen erhalten Sie unter: www.agricultura.ch.

Referat: Baghegiar natural – cun arschella, crap, lenn

Gievgia avonmiezdi, ils 26 da schaner 2012

Avon il referat dil biolog da baghegiar Martin Meiler da Flem sa vegnir visitau allas 11.00 la casa dalla famiglia Flepp-Degonda, Via Alpsu 37 a Mustér. Silsunter ha liug el Center sursilvan d'agricultura il referat sur da baghegiar natural (www.biologischbauen.ch). In pign gentar vegn purschiu sin giavisch.

Annuzias entochen ils 16-1-2012 sut 081 936 48 00 ni info@agricultura.ch.
Ulteriuras informaziuns sut www.agricultura.ch.



Gruppa da teater Mustér

Nus fagein puspei teater. Premiera, sonda, ils 14 da schaner allas 20.00 en halla Cons. Per ulteriuras infos fagei per plascher atenziun a nies inserat publicau davostier.

La gruppa da teater selegra sin Vossa viseta.
Reservaziun da plaz mintga di allas 17.00–21.00, telefon 081 947 50 29

Secziun da catschadurs Péz Alpetta Mustér

La sera familiara dalla secziun da catschadurs Péz Alpetta ha liug sonda, ils 4 da fevrer 2012 allas 19.00 en il hotel Alpsu Mustér.

La radunonza generala dalla secziun da catschadurs Péz Alpetta ha liug venderdis, ils 2 da mars 2012 en il hotel Sax.

La suprastonza

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Naven dils 26 da december 2011 entochen ils 6 da schaner 2012, pia duront las vacancas da Nadal e Daniev, resta la ludoteca Must.r serrada. Naven dils 9 da schaner 2012 ei il team dalla ludoteca puspei cheu per Vus.

Nus engraziein per Vossa capientscha.
Il team dalla ludoteca Mustér giavischa bialas e ruasseivlas fiastas da Nadal e pigl onn niev tut bien.

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér